

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՊԱՏՄՈՒԹՅԱՆ ՖԱԿՈՒԼՏԵՏ

ЕРЕВАНСКИЙ ГОСУДАРСТВЕННЫЙ УНИВЕРСИТЕТ
ИСТОРИЧЕСКИЙ ФАКУЛЬТЕТ

YEREVAN STATE UNIVERSITY
FACULTY OF HISTORY

ՊԱՏՄՈՒԹՅՈՒՆ ԵՎ ՄՇԱԿՈՒՅԹ
ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА
АРМЕНОВЕДЧЕСКИЙ ЖУРНАЛ

HISTORY AND CULTURE
JOURNAL OF ARMENIAN STUDIES

№ 1

ԵՐԵՎԱՆ - ԵՐԵՎԱՆ - YEREVAN
ԵՊՀ ՀՐԱՏԱՐԱԿՉՈՒԹՅՈՒՆ, ИЗДАТЕЛЬСТВО ЕГУ, YSU PRESS
2020

*Հրատարակվում է Երևանի պետական համալսարանի
Պատմության ֆակուլտետի գիտական խորհրդի որոշմամբ*

Գլխավոր խմբագիր՝ պ.գ.դ., պրոֆ. **Էդիկ Մինասյան**
խմբագրական խորհուրդ՝

Արման Եղիազարյան (խմբագիր, պ.գ.դ., դոց.), **Արամ Սիմոնյան** (ԵՊՀ Հայագիտական հետազոտությունների ինստիտուտի տնօրեն, ՀՀ ԳԱԱ թղթ. անդամ, պ.գ.դ., պրոֆ.), **Աշոտ Մելքոնյան** (ՀՀ ԳԱԱ ակադեմիկոս, պ.գ.դ., պրոֆ.), **Արտակ Մովսիսյան** (պ.գ.դ., պրոֆ.), **Ալբերտ Ստեփանյան** (պ.գ.դ., պրոֆ.), **Հայկ Ավետիսյան** (պ.գ.դ., պրոֆ.), **Հայրապետ Մարգարյան** (պ.գ.դ., պրոֆ.), **Լևոն Չուգասզյան** (արվեստագիտ. դոկտ., պրոֆ.), **Համլետ Պետրոսյան** (պ.գ.դ., պրոֆ.), **Իգիթ Ղարիբյան** (պ.գ.դ., պրոֆ.), **Ջենրիկ Աբրահամյան** (պ.գ.դ., պրոֆ.), **Հայկազ Հովհաննիսյան** (պ.գ.դ., պրոֆ.), **Աշոտ Ներսիսյան** (պ.գ.դ., պրոֆ.), **Աշոտ Հայրունի** (պ.գ.դ., պրոֆ.), **Վալերի Թունյան** (պ.գ.դ., պրոֆ.), **Վանիկ Վիրաբյան** (պ.գ.դ., պրոֆ.), **Ռաֆիկ Նահապետյան** (պ.գ.դ., պրոֆ.), **Հակոբ Հարությունյան** (պ.գ.դ., դոց.), **Հովիկ Գրիգորյան** (պ.գ.թ., դոց.), **Մխիթար Գաբրիելյան** (պ.գ.թ., դոց.), **Էդգար Հովհաննիսյան** (պ.գ.թ., դոց.):

Главный редактор - докт. ист. наук, проф. **Эдик Минасян**
Редакционная коллегия:

Арман Егиазарян (редактор, д.и.н., доц.), **Арам Симонян** (директор Института Арменоведческих исследований ЕГУ, членкор. АН РА, д.и.н., проф.), **Ашот Мелконян** (академик АН РА, д.и.н., проф.), **Артак Мовсисян** (д.и.н., проф.), **Альберт Степанян** (д.и.н., проф.), **Айк Аветисян** (д.и.н., проф.), **Айрапет Маргарян** (д.и.н., проф.), **Левон Чугасзян** (докт. искусствовед. наук, проф.), **Гамлет Петросян** (д.и.н., проф.), **Игит Гарибян** (д.и.н., проф.), **Генрих Абраамян** (д.и.н., проф.), **Айказ Оганесян** (д.и.н., проф.), **Ашот Нерсесян** (д.и.н., проф.), **Ашот Айруни** (д.и.н., проф.), **Валерий Тунян** (д.и.н., проф.), **Ваник Вирабян** (д.и.н., проф.), **Рафик Наапетыан** (д.и.н., проф.), **Акоб Арутюнян** (д.и.н., доц.), **Овик Григорян** (к.и.н., доц.), **Мхитар Габриелян** (к.и.н., доц.), **Эдгар Оганнисян** (к.и.н., доц.).

Editor-in-Chief - Doctor of Sciences, prof. **Edik Minasyan**
Editorial Board:

Arman Yeghiazaryan (editor, Doctor of Sciences, associate prof.), **Aram Simonyan** (Director of YSU Institute for Armenian Studies, Corresp. member of NAS RA, Doctor of Sciences, prof.), **Ashot Melkonyan** (Academician of NAS RA, Doctor of Sciences, prof.), **Artak Movsisyan** (Doctor of Sciences, prof.), **Albert Stepanyan** (Doctor of Sciences, prof.), **Hayk Avetisyan** (Doctor of Sciences, prof.), **Hairapet Margaryan** (Doctor of Sciences, prof.), **Levon Chugaszyan** (Doctor of Arts, prof.), **Hamlet Petrosyan** (Doctor of Sciences, prof.), **Igit Gharibyan** (Doctor of Sciences, prof.), **Henrik Abrahamyan** (Doctor of Sciences, prof.), **Haikaz Hovhannisyan** (Doctor of Sciences, prof.), **Ashot Nersisyan** (Doctor of Sciences, prof.), **Asot Hayruni** (Doctor of Sciences, prof.), **Valeri Tunyan** (Doctor of Sciences, prof.), **Vanik Virabyan** (Doctor of Sciences, prof.), **Rafik Nahapetyan** (Doctor of Sciences, prof.), **Hakob Harutunyan** (Doctor of Sciences), **Hovik Grigoryan** (PhD of History, associate prof.), **Mkhitar Gabrielyan** (PhD of History, associate prof.), **Edgar Hovhannisyan** (PhD of History, associate prof.).

ISSN 1829-2771

**ԲՈՎԱՆԴԱԿՈՒԹՅՈՒՆ
СОДЕРЖАНИЕ / CONTENT**

ՊԱՏՄՈՒԹՅՈՒՆ / ИСТОРИЯ / HISTORY

| | |
|--|----|
| Էդիկ Մինասյան – ՀԱՅ ԺՈՂՈՎՐԴԻ ՆԵՐԴՐՈՒՄԸ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ՀԱՂԹԱՆԱԿԻ ԳՈՐԾՈՒՄ (1941-1945 ԹԹ.)..... | 8 |
| Эдик Минасян – ВКЛАД АРМЯНСКОГО НАРОДА В ПОБЕДУ В ВЕЛИКОЙ ОТЕЧЕСТВЕННОЙ ВОЙНЕ (1941-1945 ГГ.)..... | 32 |
| Edik Minasyan – THE CONTRIBUTION OF THE ARMENIAN PEOPLE TO THE VICTORY IN THE WORLD WAR II (1941-1945). | 33 |
| Արտակ Մովսիսյան – ՀԱՅ ԷԹՆՈՍԻ ՏԱՐԱԾՄԱՆ ԱՇԽԱՐՀԱԳՐՈՒԹՅՈՒՆԸ ՄԵՐ ԹՎԱԿԱՆՈՒԹՅԱՆ ՍԿԶԻՆ (ԸՍՏ ՍՏՐԱԲՈՆԻ ԿԿԱՅՈՒԹՅՈՒՆՆԵՐԻ)..... | 34 |
| Артак Мовсисян – ГЕОГРАФИЯ РАСПРОСТРАНЕНИЯ АРМЯНСКОГО ЭТНОСА НАКАНУНЕ НАШЕЙ ЭРЫ (ПО СВЕДЕНИЯМ СТРАБОНА)..... | 40 |
| Artak Movsisyan – THE GEOGRAPHY OF THE SPREAD OF THE ARMENIAN ETHNOS ON THE EVE OF OUR ERA (ACCORDING TO STRABO)..... | 40 |
| Միքայել Մալխասյան – ՄԵԾ ՀԱՅԹԻ ԱՐԵՎՍՏՅԱՆ ՍԱՀՄԱՆՆԵՐԸ ԸՍՏ ԿԼԱՎԴԻՈՍ ՊՏՐՈՍՏԵՆՍԻ «ԱՇԽԱՐՀԱԳՐՈՒԹՅԱՆ»..... | 41 |
| Микаэл Малхасян – ЗАПАДНЫЕ ГРАНИЦЫ ВЕЛИКОЙ АРМЕНИИ ПО “ГЕОГРАФИИ” КЛАВДИЯ ПТОЛЕМЕЯ. | 47 |
| Mikayel Malkhasyan – THE WESTERN BORDERS OF GREATER ARMENIA IN CLAUDIUS PTOLEMY’S “GEOGRAPHY”. | 47 |
| Էդգար Վարշամյան – ՀԱՅԱՍՏԱՆԸ ՀՈՒՍԵԱ-ՊԱՐՍԿԱԿԱՆ ՀԱՎԱՍԱՐՏՈՒԹՅԱՆ ԾԻՐՈՒՄ. ԱՐՇԱԿ Բ-Ի ԱՐՏԱԹԻՆ ԶԱՐԱԶԱԿԱՆՈՒԹՅՈՒՆԸ | 49 |
| Эдгар Варшамян – АРМЕНИЯ В РАЗГАР РИМСКО-ПЕРСИДСКОГО КОНФЛИКТА: ВНЕШНЯЯ ПОЛИТИКА АРШАКА II. | 60 |
| Edgar Varshamyan – ARMENIA IN THE MIDST OF THE ROMAN-PERSIAN CONFLICT: THE FOREIGN POLICY OF ARSHAK II. | 61 |
| Արգիշտի Վարդանյան – ՄԱՆՎԵԼ ՄԱՄԻԿՈՆՅԱՆԸ ՄԵԾ ՀԱՅԹԻ ԹԱԳԱՎՈՐՈՒԹՅԱՆ ԽՆԱՄԱԿԱԼ ԵՎ ԿԱՌԱՎԱՐԻՉ | 62 |
| Аргисhti Варданян – МАНВЕЛ МАМИКОНЯН – РЕГЕНТ И УПРАВЛЯЮЩИЙ ЦАРСТВОМ ВЕЛИКОЙ АРМЕНИИ. | 68 |
| Argishti Vardanyan – MANVEL MAMIKONYAN – REGENT AND RULER OF THE KINGDOM OF GREATER ARMENIA. | 68 |
| Արման Եղիազարյան – ԲԱԳՐԱՏՈՒՆԻՆԵՐԻ ԹԱԳԱՎՈՐՈՒԹՅԱՆ ՊԱՌԱՎՍՄԱՆ ՊԱՏՃԱՌ ԴԱՐՁԱԾ ՄԻ ԴԱՎԱԴՐՈՒԹՅԱՆ ՇՈՒՐՋ..... | 70 |
| Арман Егиазарян – О ЗАГОВОРЕ, ПРИВЕДШЕМ К РАСКОЛУ БАГРАТИДСКОГО ЦАРСТВА. | 79 |
| Arman Yeghiazaryan – ON A CONSPIRACY THAT CAUSED THE SPLIT OF THE BAGRATUNIES KINGDOM. | 79 |
| Արարատ Ստեփանյան – ՓԻԼԱՐՏՈՍ ԿԱՐԱԺՆՈՒՆՈՒ ՊԱՏԿԱՏԻՏՐՈՍՆԵՐԸ | 81 |
| Арарат Степанян – ПОЧЕТНЫЕ ТИТУЛЫ ФИЛАРЕТА ВАРАЖНУНИ..... | 86 |
| Ararat Stepanyan – THE HONORARY TITLES OF PHILARETOS BRACHAMIOS..... | 86 |

| | |
|---|-----|
| Սեյրան Չաքարյան – ԱՉԳԻ ԲՆՈՒԹԱԳՐՄԱՆ ՀԱՐՑԸ ՀԱՅՈՑ ԻՆՔՆՈՒԹՅԱՆ ԵՐԻՍՏՈՆԵԱԿԱՆ ՀԱՐԱՑՈՒՅՑՈՒՄ (ԳՐԻԳՈՐ ՏԱԹԵՎԱՅԻ ԵՎ ՂԱԶԱՐ ԶԱՀԿԵՑԻ)..... | 88 |
| Сейран Закарян – ПРОБЛЕМА ХАРАКТЕРИСТИКИ НАЦИИ В ХРИСТИАНСКОЙ ПАРАДИГМЕ АРМЯНСКОЙ ИДЕНТИЧНОСТИ (ГРИГОР ТАТЕВАЦИ И ГАЗАР ДЖАХКЕЦИ)..... | 97 |
| Seyran Zakaryan – THE PROBLEM OF CHARACTERIZATION NATION IN THE CHRISTIAN PARADIGM OF ARMENIAN IDENTITY (GRIGOR TATEVATSI AND GHAZAR JAHKETSİ)..... | 98 |
| Սարգիս Բալդարյան – ԿՈՍՏԱՆԴ ՋՈՒՂԱՅԵՑՈՒ ԿԱՃԱՌԱԿԱՆԱԿԱՆ ՁԵՆՆԱՐԿՆԵՐԻ ՇՐՋԱՆԱՌՈՒԹՅՈՒՆԸ ՆՈՐ ՋՈՒՂԱՅԻ ԱՌԵՎՏՐԱԿԱՆ ՑԱՆՑՈՒՄ..... | 99 |
| Саркис Балдарян – ЦИРКУЛЯЦИЯ КОММЕРЧЕСКИХ УЧЕБНИКОВ КОНСТАНТА ДЖУГАЕЦИ В ТОРГОВОЙ СЕТИ НОВОЙ ДЖУЛЬФЫ..... | 106 |
| Sargis Baldaryan – THE CIRCULATION OF COMMERCIAL HANDBOOKS OF CONSTANT OF JULFA IN THE TRADE NETWORK OF NEW JULFA. | 106 |
| Արարատ Հակոբյան – 1920 Թ. ԹՈՒՐԵ-ՀԱՅԿԱԿԱՆ ՊԱՏԵՐԱԶՄԻ ՍԿՍՄԱՆ ՕՐԿԱ ՀԱՐՑԻ ՇՈՒՐՋ (ՊԱՏԵՐԱԶՄԻ 100-ԱՄՅԱԿԻ ԱՌԻԹՈՎ)..... | 108 |
| Арарат Акопян – К ВОПРОСУ О ДАТЕ НАЧАЛА ТУРЕЦКО-АРМЯНСКОЙ ВОЙНЫ 1920 Г. (К 100-ЛЕТИЮ ВОЙНЫ)..... | 117 |
| Ararat Hakobyan – ABOUT THE DATE OF THE BEGINNING OF THE TURKISH-ARMENIAN WAR IN 1920 (TO THE 100TH ANNIVERSARY OF THE WAR)..... | 117 |
| Նելլի Մինասյան – 1920 ԹՎԱԿԱՆԻ ԹՈՒՐԵ-ՀԱՅԿԱԿԱՆ ՊԱՏԵՐԱԶՄԸ ԵՎ ՀԱՍԱԹՅՈՒՐԵԱԿԱՆՈՒԹՅԱՆ ԾՐԱԳՐԵՐԸ..... | 118 |
| Нелли Минасян – ТУРЕЦКО-АРМЯНСКАЯ ВОЙНА 1920 ГОДА И ПЛАНЫ ПАН-ТЮРКИЗМА..... | 123 |
| Nelli Minasyan – THE TURKISH-ARMENIAN WAR OF 1920 AND THE PROGRAMS OF PAN-TURKİSM..... | 123 |
| Սուրեն Ավետիսյան – ՀԱՅԱՍՏԱՆԻ ԿԱՐՄԻՐ ԽԱԶԻ ԸՆԿԵՐՈՒԹՅԱՆ ԳՈՐԾՈՒՆԵՈՒԹՅՈՒՆԸ ՀԱՅՐԵՆԱԿԱՆ ՄԵՃ ՊԱՏԵՐԱԶՄԻ ՏԱՐԻՆԵՐԻՆ..... | 124 |
| Сурен Аветисян – ДЕЯТЕЛЬНОСТЬ ОБЩЕСТВА КРАСНОГО КРЕСТА АРМЕНИИ В ГОДЫ ВЕЛИКОЙ ОТЕЧЕСТВЕННОЙ ВОЙНЫ..... | 131 |
| Suren Avetisyan – THE ACTIVITY OF RED CROSS SOCIETY OF ARMENIA IN THE YEARS OF THE GREAT PATRIOTIC WAR..... | 131 |
| Առնակ Սարգսյան – ԸՆՏՐԱԿԱՆ ԳՈՐԾԸՆԹԱՅԻՆ ՄԱՍՆԱԿՑՈՒԹՅՈՒՆԸ ԺՈՂՈՎԱԿԱՐԱՑՄԱՆ ԻՐՈՂՈՒԹՅՈՒՆՆԵՐՈՒՄ (ՀՀ 2018 Թ. ԸՆՏՐՈՒԹՅՈՒՆՆԵՐԻ ՕՐԻՆԱԿՈՎ)..... | 132 |
| Арнак Саргсян – УЧАСТИЕ В ИЗБИРАТЕЛЬНОМ ПРОЦЕССЕ В РЕАЛИЯХ ДЕМОКРАТИЗАЦИИ (НА ПРИМЕРЕ ВЫБОРОВ В РЕСПУБЛИКЕ АРМЕНИИ В 2018 Г.)..... | 139 |
| Arnak Sargsyan – PARTICIPATION IN THE ELECTORAL PROCESS IN THE REALITIES OF DEMOCRATIZATION (ON THE EXAMPLE OF THE REPUBLIC OF ARMENIA IN 2018 ELECTIONS)..... | 139 |
| Գայանե Թովմասյան, Ռուբիկ Թովմասյան – ՉՐՈՍԱՇՐՋՈՒԹՅԱՆ ԵՎ ՀՅՈՒՐԸՆԿԱՆՈՒԹՅԱՆ ԱՐՅՈՒՆԱԲԵՐՈՒԹՅԱՆ ՉԱՐԳԱՑՄԱՆ ԱՊԱԳԱՅԻ ՄԻՏՈՒՄՆԵՐԸ (ԱՇԽԱՐՀ ԵՎ ՀԱՅԱՍՏԱՆ)..... | 140 |
| Гаяне Товмасян, Рубик Товмасян – БУДУЩИЕ ТЕНДЕНЦИИ РАЗВИТИЯ ТУРИЗМА И ИНДУСТРИИ ГОСТЕПРИИМСТВА В МИРЕ И В АРМЕНИИ..... | 149 |

Gayane Tovmasyan, Rubik Tovmasyan – FUTURE TRENDS OF TOURISM AND HOSPITALITY INDUSTRY DEVELOPMENT IN THE WORLD AND IN ARMENIA. 149

Արշալույս Տետեյան – ՀԱՅՈՑ ՑԵՂԱՍՊԱՆՈՒԹՅԱՆ ԵՎ ԼԵՆՆԱ-ՑԻՆ ԴԱՐԱԲԱՐԻ ՀԻՄՆԱԽՆԴԻՐԸ ԵՎՐՈՊԱԿԱՆ ԽՈՐՀՐԴԱՐԱՆԻ ԲԱՆԱԶԵՎԵՐՈՒՄ 150

Аршалуys Тетейан – ВОПРОС ПРИЗНАНИЯ ГЕНОЦИДА АРМЯН И ПРОБЛЕМА НАГОРНОГО КАРАБАХА В РЕЗОЛЮЦИЯХ ЕВРОПЕЙСКОГО ПАРЛАМЕНТА. 156

Arshaluys Teteyan – RECOGNITION OF ARMENIAN GENOCIDE AND NAGORNO-KARABAKH PROBLEM IN THE RESOLUTIONS OF EUROPEAN PARLIAMENT. 156

ՀՆԱԳԻՏՈՒԹՅՈՒՆ ԵՎ ԱԶԳԱԳՐՈՒԹՅՈՒՆ / АРХЕОЛОГИЯ И ЭТНОГРАФИЯ / ARCHAEOLOGY AND ETHNOGRAPHY

Ռաֆիկ Նահապետյան – ՀԱՅԿԱԿԱՆ ԼԵՆՆԱՇԽԱՐՀԸ՝ ԱՆԱՍՆԱՊԱՐԱԿԱՆ ՄՇԱԿՈՒՅԹԻ ՀՆԱԳՈՒՅՆ ԿԵՆՏՐՈՆ (ԸՍՏ ՀՆԱԳԻՏԱԿԱՆ ՆՅՈՒԹԵՐԻ ԵՎ ԱՆՏԻԿ ԳՐԱԿՈՐ ԱՐՔԵՈՒՐՆԵՐԻ) 157

Рафик Наапетян – АРМЯНСКОЕ НАГОРЬЕ - ДРЕВНЕЙШИЙ ЦЕНТР СКОТОВОДЧЕСКОЙ КУЛЬТУРЫ (ПО АРХЕОЛОГИЧЕСКИМ МАТЕРИАЛАМ И АНТИЧНЫМ ПИСЬМЕННЫМ ИСТОЧНИКАМ). 162

Rafik Nahapetyan – ARMENIAN HIGHLAND - THE MOST ANCIENT CENTRE OF CATTLE BREEDING CULTURE (ACCORDING TO ARCHAEOLOGICAL MATERIALS AND ANCIENT WRITTEN SOURCES). 162

Քրիստինա Այվազյան – ԲԱՐԵԳՈՐԾՈՒԹՅՈՒՆԸ ՀԱՅ ԺՈՂՈՎՐԴԱԿԱՆ ՀԵՔԻԱԹՆԵՐՈՒՄ 163

Кристина Айвазян – БЛАГОТВОРИТЕЛЬНОСТЬ В АРМЯНСКИХ НАРОДНЫХ СКАЗКАХ. 174

Christina Ayvazyan – CHARITY IN THE ARMENIAN FAIRY TALES. 175

ԱՐԿԵՍ ԵՎ ՄՇԱԿՈՒՅԹ / ИСКУССТВО И КУЛЬТУРА / ART AND CULTURE

Գեղամ Ասատրյան, Ավետիս Գրիգորյան – ՄԱՔՐԱՎԱՆԻ ԽԱՉՔԱՐԵՐԸ (XII-XIV ԴԴ.) 176

Гегам Асатрян, Аветис Григорян – ХАЧКАРЫ МАКРАВАНКА (XII-XIV ВВ.) 181

Gegham Asatryan, Avetis Grigoryan – THE CROSSLINES OF MAKRAVANK (XII-XIV CENTURIES). 181

Մոնթե Մաթևոսյան – ՋՐԱՌԱՏԻ Ս. ԿԱՐԱՊԵՏ ԵՎԵՂԵՑՈՒ ԽԱՉՔԱՐԵՐԸ 185

Монте Матевосян – ХАЧКАРЫ ЦЕРКВИ СВЯТОГО КАРАПЕТА В ДЖРАРАТЕ. 188

Monte Matevosyan – THE KHACHKARS OF JRARAT ST. KARAPET CHURCH. 188

Շուշանիկ Համբարյան – ԵՐՈՒՍԱՂԵՄԻ Հ^մ 1970 ԱՎԵՏԱՐԱՆԸ ԵՎ ՄԱՆՐԱՆԿԱՐՆԵՐԻ ՈՒՇ ՇՐՋԱՆԻՆ ԲՆՈՐՈՇ ՊԱՏԿԵՐԱԳՐԱԿԱՆ ԱՌԱՆՁՆԱԳԱՏԿՈՒԹՅՈՒՆՆԵՐԸ 191

Шушаник Амбарян – РУКОПИСЬ № 1970 ЕВАНГЕЛИЯ ИЕРУСАЛИМА И ИКОНОГРАФИЧЕСКИЕ ОСОБЕННОСТИ МИНИАТЮР, ХАРАКТЕРНЫЕ ДЛЯ ПОЗДНЕГО ПЕРИОДА. 199

Shushanik Hambaryan – № 1970 GOSPEL OF JERUSALEM AND THE ICONOGRAPHIC FEATURES OF THE MINIATURES CHARACTERISTIC OF THE LATE-PERIOD. 199

ՍՓՅՈՒՌԱԳԻՏՈՒԹՅՈՒՆ / ДИАСПОРАВЕДЕНИЕ / DIASPORA STUDIES

| | |
|---|-----|
| Հրածին Վարդանյան – ՍՓՅՈՒՌԻ ՏԻՊՈԼՈԳԻԱԿԱՆ ԵՎ ՀԱՅ ՍՓՅՈՒՐԸ..... | 202 |
| <i>Грацин Варданян – ТИПОЛОГИЯ ДИАСПОРЫ И АРМЯНСКАЯ ДИАСПОРА.....</i> | 207 |
| <i>Hratsin Vardanyan – TYPOLOGY OF DIASPORAS AND THE ARMENIAN DIASPORA.....</i> | 208 |
| Ալիկ Ղարիբյան, Գայանե Գալստյան – ՀՅԴԻ ԳՈՐԾՈՒՆԵՒԹՅԱՆ ՍԿԶԲԱԿՈՐՈՒՄԸ ԱՄՆ-ՈՒՄ..... | 209 |
| <i>Алик Гарибян, Гаяне Галстян – НАЧАЛО ДЕЯТЕЛЬНОСТИ АРФ ДАШНАКЦУТИОН В США.....</i> | 214 |
| <i>Alik Gharibyan, Gayane Galstyan – THE BEGINNING OF ARF DASHNAKTSUTYUN ACTIVITY IN THE USA.....</i> | 215 |
| Էդգար Հովհաննիսյան – ՄԵԾԻ ՏԱՆՆ ԿԻԼԻԿԻՈՒ ԿԱԹՈՂԻԿՈՍՈՒԹՅԱՆ ԿԻՐԱԿՆՈՐՅԱԴՊՈՐՑՆԵՐԻ ՀԻՄՆՈՒՄԸ ԵՎ ՆՐԱՆՑ ԴԵՐԸ ՀԱՅԱՊԱՅՊԱՆՈՒԹՅԱՆ ԳՈՐԾՈՒՄ..... | 216 |
| <i>Эдгар Ованесян – СОЗДАНИЕ ВОСКРЕСНЫХ ШКОЛ КИЛИКИЙСКОГО КАТОЛИКОСАТА И ИХ РОЛЬ В СОХРАНЕНИИ АРМЯНСКОЙ ИДЕНТИЧНОСТИ.....</i> | 225 |
| <i>Edgar Hovhannisyán – THE FOUNDATION OF SUNDAY SCHOOLS OF THE CATHOLICOSATE OF THE GREAT HOUSE OF CILICIA AND THEIR ROLE IN PRESERVATION OF THE ARMENIAN IDENTITY.....</i> | 225 |
| Մարիամ Հակոբյան – ՀԱՅԱՍՏԱՆՅԱՑ ԱՌԱՔԵԼԱԿԱՆ ԵՎԵՂԵՑՈՒ ՀՈՒՆԱՀԱՅՈՑ ԹԵՄԵՐԻ ՁԵՎԱԿՈՐՈՒՄԸ ԵՎ ՆՐԱՆՑ ԿԱՐՉԱԺՈՂՈՎՐԴԱԳՐԱԿԱՆ ՆԿԱՐԱԳԻՐԸ 1920-1930-ԱՎԱՆ ԹԹ..... | 226 |
| <i>Мариам Акопян – ФОРМИРОВАНИЕ ЕПАРХИЙ АРМЯНСКОЙ АПОСТОЛЬСКОЙ ЦЕРКВИ В ГРЕЦИИ И ИХ АДМИНИСТРАТИВНО-ДЕМОГРАФИЧЕСКОЕ ОПИСАНИЕ В 1920-1930-Х ГГ.....</i> | 231 |
| <i>Mariam Hakobyan – THE FORMATION OF THE GREEK-ARMENIAN DIOCESES OF THE ARMENIAN APOSTOLIC CHURCH AND THEIR ADMINISTRATIVE-DEMOGRAPHIC DESCRIPTION IN THE 1920s AND 1930s.....</i> | 231 |
| Նարինե Նուշերվանյան – «ՍՓՅՈՒՐԸ-ՀՅՈՒՐԸՆԿԱԼՈՂ ԵՐԿԻՐ-ՀԱՅՐԵՆԻՔ» ՓՈԽ-ՀԱՐԱԲԵՐՈՒԹՅՈՒՆՆԵՐԻ ԵՌԱՆԿՅՈՒՄԱԶԵՎ ՍՈՂԵԼԸ..... | 232 |
| <i>Нарине Нушерванян – ТРЕХСТОРОНЯЯ МОДЕЛЬ ВЗАИМООТНОШЕНИЙ “ДИАСПОРА-ПРИНИМАЮЩАЯ СТРАНА-РОДИНА”.....</i> | 240 |
| <i>Narine Nushervanyan – "DIASPORA-HOST COUNTRY-HOMELAND" TRIANGULAR MODEL OF RELATIONS.....</i> | 241 |
| Գևորգ Ղուկասյան – ԱՐԵՎՄՏՅԱՆ ԵՎՐՈՊԱՅԻ ՀԱՅՎԱԿԱՆ ՍՓՅՈՒՐԻ ԼՈՐԲԻՍՏԱԿԱՆ ԳՈՐԾՈՒՆԵՒԹՅԱՆ ՇՈՒՐՉ..... | 242 |
| <i>Геворг Гукасян – О ЛОББИСТСКОЙ ДЕЯТЕЛЬНОСТИ АРМЯНСКОЙ ДИАСПОРЫ В ЗАПАДНОЙ ЕВРОПЕ.....</i> | 250 |
| <i>Gevorg Ghukasyan – ON THE LOBBYING ACTIVITIES OF THE ARMENIAN DIASPORA IN WESTERN EUROPE.....</i> | 251 |

ԱՐՔՅՈՒՐԱԳԻՏՈՒԹՅՈՒՆ / ИСТОЧНИКОВЕДЕНИЕ / SOURCE STUDIES

| | |
|---|-----|
| Հայկազ Հովհաննիսյան, Կարեն Բայրամյան – ՆՈՐԱՀԱՅՑ ԿԱԿԵՐԱԳՐԵՐ ԼԱՁԱՐՅԱՆՆԵՐԻ ԱՐԽԻՎԻՑ..... | 252 |
|---|-----|

Այկազ Օգանեսյան, Կարեն Բայրամյան – НОВОВЫЯВЛЕННЫЕ ДОКУМЕНТЫ ИЗ АРХИВА ЛАЗАРЕВЫХ. 261

Haikaz Hovhannisyan, Karen Bayramyan – NEWLY REVEALED DOCUMENTS FROM THE LAZAREVS ARCHIVE. 261

Հովիկ Գրիգորյան, Հայկ Մխոյան – ԴԱՎԻԹ ԱՆԱՆՈՒՆԻ ԵՎ ԼԵՈՅԻ ԼԱՍԱՎԱԳՐՈՒԹՅՈՒՆՆԵՐ 262

Օւիւկ Գրիգորյան, Այկ Մխոյան – ИЗ ПЕРЕПИСКИ ДАВИТА АНАНУНА И ЛЕО. 273

Hovik Grigoryan, Haik Mkhoyan – FROM THE LETTERS OF DAVID ANANUN AND LEO. 274

ՈՒՍՈՒՄՆԱՍԵԹՈՂԱԿԱՆ / УЧЕБНО-МЕТОДИЧЕСКИЙ / EDUCATIONAL-METHODOLOGICAL

Արա Հովհաննիսյան – ՀԱՅԿԱԿԱՆ ՍՓՅՈՒՌՔԻ ՊԱՏՄՈՒԹՅԱՆ ԴԱՍԱՎԱՆԴՈՒՄԸ (ԱՌԱՆՁՆԱՀԱՏԿՈՒԹՅՈՒՆՆԵՐ, ՍԵԹՈՂԱԿԱՆ ՈՐԵՆԻՇՆԵՐ) 275

Արա Օգանեսյան – УЧЕБНО-МЕТОДИЧЕСКИЕ ПРИНЦИПЫ И ОСОБЕННОСТИ КУРСА “ИСТОРИЯ АРМЯНСКОЙ ДИАСПОРЫ”. 281

Ara Hovhannisyan – EDUCATIONAL AND METHODOLOGICAL PRINCIPLES AND FEATURES OF THE COURSE “HISTORY OF ARMENIAN DIASPORA”. 282

ԳՐԱԽՈՍՈՒԹՅՈՒՆ / РЕЦЕНЗИЯ / REVIEW

Վարինե Եղիազարյան, Մերի Հովհաննիսյան. ЭДИК МИНАСЯН – ГЕРОИЧЕСКАЯ ДЕЯТЕЛЬНОСТЬ АРМЯНОК В ГОДЫ ОСВОБОДИТЕЛЬНОГО ДВИЖЕНИЯ КОНЦА XIX-НАЧАЛА XX ВЕКА, МОСКВА, «ЭДИТУС», 2020, 252 С. 283

Էդիկ Մինասյան, Էդիկ Չոհրաբյան. ՀԵՆՐԻԿ ԱՐՐԱՀԱՄՅԱՆ – ՀԱՅԱՍՏԱՆԻ ԱՆԿԱԽԱՑՄԱՆ ՀԱՍԱՐԱԿԱԿԱՆ-ՔԱՂԱՔԱԿԱՆ ՆԱԽԱԴՐՅԱԼՆԵՐԸ ԵՎ ԿԱՅԱՑՄԱՆ ՍԿԻՉԲԸ (1956 Թ. ՓԵՏՐՎԱՐ – 1991 Թ. ՍԵՊՏԵՄԲԵՐ), Ե., ԵՊՀ ՀՐԱՏ., 2019, 398 ԷԶ 286

Վալերի Թունյան, Արա Հովհաննիսյան. «ԴՈՆԻ ՀԱՅԿԱԿԱՆ ՀԱՄԱՅՆՔԸ ՆՈՐԱԳՈՒՅՆ ՇՐՋԱՆՈՒՄ. ՊԱՏՄՈՒԹՅՈՒՆ, ԻՆՍՏԻՏՈՒՄՆԵՐ, ԻՆՔՆՈՒԹՅՈՒՆ», ԳԻՏԱԿԱՆ ՀՈՂԿԱԾՆԵՐԻ ԺՈՂՈՎԱԾՈՒ / ԿԱԶՄՈՂ Է. ՄԻՆԱՍՅԱՆ /, Ե., ԵՊՀ ՀՐԱՏ., 2020, 212 ԷԶ 288

ՏԵՂԵԿՈՒԹՅՈՒՆՆԵՐ ՀԵՂԻՆԱԿՆԵՐԻ ՄԱՍԻՆ 290

INFORMATION ABOUT THE AUTHORS 292

Ի ԳԻՏՈՒԹՅՈՒՆ ՀԵՂԻՆԱԿՆԵՐԻ 294

NOTICE FOR THE AUTHORS 294

Էդգար Յովհաննիսյան

ՄԵԾԻ ՏԱՆՆ ԿԻՒԿԻՈ ԿԱԹՈՂԻԿՈՍՈՒԹՅԱՆ ԿԻՐԱԿԼՕՐՅԱ ԴՊՐՈՑՆԵՐԻ ԶԻՄՆՈՒՄԸ ԵՎ ՆՐԱՆՑ ԴԵՐԸ ԶԱՅԱՊԱՅՊԱՆՈՒԹՅԱՆ ԳՈՐԾՈՒՄ

***Յիմնաբառեր.** Մեծի Տանն Կիլիկիո կաթողիկոսություն, Անթիլիաս, կիրակնօրյա դպրոցներ, հայկական սփյուռք, Սիրիա-Լիբանանի հայկական համայնքներ, հայապահպանություն, կրթություն:*

ՄՈՒՏՔ

Մեծի Տանն Կիլիկիո կաթողիկոսության սփյուռքյան շրջանի գործունեության գլխավոր առաքելություններից մեկը ոչ միայն տարագիր հայությանը հոգևոր-կրոնական ծառայություններ մատուցելն էր, այլև նաև ջանքերը հայապահպանության ուղղությամբ: Սփյուռքում հայապահպանության և ազգապահպանության համար կարևոր էր ոչ միայն ազգային կրթությունը, այլև դաստիարակությունը՝ հիմնված քրիստոնեական հոգևոր արժեհամակարգի հիման վրա: Կիլիկիո կաթողիկոսությունում լավ էին հասկանում, որ օտար հողում ազգային նկարագիրը ամուր պահելու համար խիստ կարևոր է ընտանքի դերը և մատաղ սերնդի բարոյական դաստիարակությունը: «Ընտանեկան կեանքի սրբափայլ, կրօնասերտ գեղեցկությունը բժաւորուելու վրայ է դժբախտաբար»¹, – այսպես է արտահայտում իր մտահոգությունը խնդրի վերաբերյալ «Չասկ»-ի առաջնորդողը 1932 թ. համարներից մեկում: Անթիլիասի համար սերնդի դաստիարակության խնդիրը ապագային միտված և հեռուն տանող խնդիր էր, քանզի «Այսօրուա պատանութիւնն է որ պիտի կազմէ վաղուան ժողովուրդը»²:

ԿԻՒԿԻՈ ԿԱԹՈՂԻԿՈՍՈՒԹՅԱՆ ԿԻՐԱԿԼՕՐՅԱ ԴՊՐՈՑՆԵՐԻ ԶԻՄՆՈՒՄԸ

Կիլիկիո կաթողիկոսությունը այս խնդրի լուծումը տեսնում էր նախ և առաջ կրոնական դաստիարակության միջոցով: «Մեր դպրոցներուն մէջ պետք է կարեւորութիւն տրուի կրօնական դաստիարակութեանը: Վասն զի մեր դպրոցներու ուսմանց ծրագրին մէջ ամենէն յետին տեղը տրուած է Կրօնքի ուսման»³, – գրում է «Չասկը» կրոնական դաստիարակության հարցի վերաբերյալ՝ միաժամանակ նշելով, որ կրոնական դաստիարակություն պահանջելով՝ Կիլիկիո կաթողիկոսությունը ի նկատի չունի հայկական դպրոցները վերածել աստվածաբանական դպրոցների. «Բաւական չէ Յին եւ Նոր Կտակարաններէն քանի մը պատմութիւններ սորվեցնել տղոց: Այլ պետք է դաստիարակել զանոնք կրօնքի բարոյականով»⁴: Մատաղ սերնդի կրոնական դաստիարակությունը պետք է տրվեր ոչ միայն ազգային դպրոցների միջոցով, այլև խնդիր էր դրվում Կիլիկիո աթոռի հովանու ներքո վերջինիս ենթակա բոլոր թեմերում բացել կիրակնօրյա դպրոցներ: 1930 թ. Անթիլիասում հաստատվելուց հետո այդ ուղղությամբ գործելու հնարավորություններն ավելի առարկայական դարձան:

Առաջին կիրակնօրյա դպրոցները⁵ աշխարհում բացվել են՝ 1780 թ. Մեծ Բրիտանիայի Գլոսթեր քաղաքում՝ տեղի շաքաթաթերթերից մեկի խմբագիր Ռոբերտ Ռեյքսի կողմից, որից հետո դրանք արագորեն տարածվել են տարբեր երկրներում⁶:

* Յողվածը ներկայացվել է 09.04.2020 թ., գրախոսվել՝ 25.05.2020 թ., ընդունվել տպագրության՝ 15.06.2020 թ.:
¹ «Չասկ», ապրիլ, 1932, թիվ 4:
² Նույն տեղում:
³ Նույն տեղում, հունիս, հուլիս, օգոստոս, 1936, թիվ 6-7-8:
⁴ Նույն տեղում:
⁵ Եվրոպայում և Ամերիկայում կիրակնօրյա դպրոցների գործունեության առանձնահատկությունների մասին տե՛ս «Սիոն», Երուսաղեմ, մայիս, թիվ 5, 1931, էջ 138-140:
⁶ Տե՛ս «Սիոն», Երուսաղեմ, թիվ 5, մայիս, 1931, էջ 138, տե՛ս նաև Չարությունյան Ն., Լիբանանի և Սիրիայի հայկական դպրոցները, Ե., 2002, էջ 54-55:

1928 թ. Լուս-Անջելետում գումարված Աշխարհի Կիրակնօրյա դպրոցների ընկերակցության տվյալների համաձայն աշխարհի տարբեր հատվածներում գործում էր 320.620 կիրակնօրյա դպրոց¹:

Բյուզանդ Եղիայանի վկայությամբ առաջին կիրակնօրյա դպրոցը բացվել էր դեռևս 1923 թ. Յալթայում Մեծի Տանն Կիլիկիո կաթողիկոս Սահակ Բ-ի թույլտվությամբ²: Սակայն այն տարածում չէր ունեցել մյուս թեմերում: Կրկին կիրակնօրյա դպրոց բացելու գաղափարը ի հայտ է գալիս 1927 թ. Յալթայի ազգային առաջնորդարանի Կրոնական ժողովում: Նախապատրաստական աշխատանքները մեկնարկում են 1929 թ. հուլիսին և արդեն դեկտեմբերին տեղի է ունենում դրա պաշտոնական բացումը Յալթայի ազգային մանկապարտեզի սրահում՝ Յալթայի թեմի առաջնորդ Արտավազ Ծ. վարդապետ Սուրմեյանի և Լևոն Չենյանի կողմից³: Կարճ ժամանակում հարյուրավոր աշակերտներ արձանագրվում են նորաբաց կիրակնօրյա դպրոց հաճախելու համար: Սա ցույց է տալիս նման հաստատությունների խիստ անհրաժեշտությունը սփյուռքահայության շրջանում: 1930-ական թթ. սկզբներից արդեն այդ դպրոցները համակարգված ձևով բացվում են հայաշատ տարբեր գաղութներում:

Անթիլիասի հովանու ներքո գործող Կիրակնօրյա դպրոցների բացումը մեծապես կապված է ամերիկաբնակ հայազգի մտավորական, գործիչ Լ. Չենյանի հետ: Վերջինս սերտ կապեր ուներ «Կիրակնօրյա դպրոցների համաշխարհային միության» ներկայացուցիչների հետ: 1929 թ. փետրվարին Սահակ Բ-ին ուղղված նամակում ՅԲԸՄ Ամերիկայի Շրջանային հանձնաժողովի վարիչ-քարտուղար Վահան Զյուրբճյանը առաջարկում է Անթիլիասի հովանու ներքո հիմնել կիրակնօրյա դպրոցներ և դրանց կազմակերպման գործը վստահել «Ազգային Եկեղեցույ զավակ» Լ. Չենյանին⁴: Պատահական չէր «Ազգային Եկեղեցույ զավակ» շեշտադրումը, քանի, որ թեև Լ. Չենյանը ոչ վաղ անցյալում Սահակ Բ-ի թույլտվությամբ ԱՄՆ-ում սարկավազ էր ձեռնադրվել, սակայն վերջինիս կողմից կիրակնօրյա դպրոցներ հիմնելու ձեռնարկի նկատմամբ սկզբնական շրջանում որոշակի վերապահումներ կային: Թե՛ Սահակ Բ-ի, թե՛ Երուսաղեմի Եղիշե պատրիարքի և թե՛ Բաբկեն եպիսկոպոսի (ապագա աթոռակից կաթողիկոս) մոտ որոշակի մտավախություններ կային նմանատիպ դպրոցների միջոցով հայության շրջանում այլ դավանական ուղղությունների ազդեցության տարածելու առումով: Սա միանգամայն բնական անհանգստություն էր՝ հաշվի առնելով օտար միջավայրում ինքնության պահպանմանն ուղղված մարտահրավերները և այն սուր մրցակցությունը, որն առկա էր Յայոց Եկեղեցու և հայկական քրիստոնեական մյուս դավանական ուղղությունները ներկայացնող կառույցների միջև:

Սկզբնական շրջանում կիրակնօրյա դպրոցների նկատմամբ վստահությունը մեծ չէր նաև ժողովրդի մոտ և շատերը այն նույնացնում էին տարբեր միսիոներների կողմից հայության շրջանում հիմնված նմանատիպ ուսումնական հաստատությունների հետ: Այդ էր պատճառը, որ 1929 թ. հունիսի Բաբկեն Կյուլեսերյանը Երուսաղեմից նամակով դիմում է Սահակ Բ-ին հետևյալ խնդրանքով. «Պիտի խնդրեմ, որ Ձեր օրինաբաշխ կոնդակով Տիար Լեւոն Չենեանը յանձնարարեք Սիւրոյ մէջ Կիլիկիոյ կաթողիկոսութեան թեմական առաջնորդներուն եւ Եկեղեցիներուն, որպէս զի գիտնան որ Կիրակնօրեայ Դպրոցներու կազմութիւնը Ձեր գիտութեամբ եւ հրամանով է պիտի ընէ Չենեան, որ հարազատ որդին է Յայոց Եկեղեցույ, որ պիտի գործադրէ այն ծրագիրը զոր մենք պիտի պատրաստենք հոս, վերջապէս Չենեան ո՛չ բողոքական է, ո՛չ ալ գործիք «Միսիոներական Էնթրիկներու...»⁵: 1930 թ. գարնանը նույնիսկ Յալթայում տարածվում է «Առ որ անկ է» խորագրով մի սպառնազիր ընդդէմ կիրակնօրյա դպրոցների՝ ուղղված կաթողիկոսին, թեմակալ առաջնորդին և ազգային իշխանություններին⁶: Այդ մասին Սահակ Բ-ն տեղեկացնում է Բաբկեն

¹ Տե՛ս «Միոն», Երուսաղեմ, թիվ 6, հունիս, 1931, էջ 173:

² Տե՛ս Եղիայան Բ., Ժամանակակից պատմութիւն Կաթողիկոսութեան Յայոց Կիլիկիոյ 1914-1972, Անթիլիս, 1975, էջ 432:

³ Տե՛ս «Եփրատ», Յալթայ, թիվ 266-268, փետրվարի 22, փետրվարի 26, մարտի 1, 1930:

⁴ Տե՛ս Եղիայան Բ., նշվ. աշխ., էջ 432:

⁵ Կիլիկիոյ կաթողիկոսութեան արխիւներ, թիւ 1, Թղթակցութիւն Սահակ Ա. եւ Բաբկեն Բ. Կաթողիկոսներու, Անթիլիս, 1999, էջ 202:

⁶ Տե՛ս Եղիայան Բ., նշվ. աշխ., էջ 434:

եպիսկոպոսին, որը կողմ էր այդ դպրոցների բացմանը և մեծ դերակատարում ունեցավ այդ հարցում: Ահա այս իրադարձություններից հետո է, որ հրապարակվում է Սահակ Բ-ի կոնդակը, որով պաշտոնապես հռչակվում էր, որ կիրակևորյա դպրոցները գործելու են Հայոց եկեղեցու վարչական իրավասության ներքո: Այս ամենից հետո, Բաբկեն Կյուլեսերյանը, այնուամենայնիվ, որպեսզի վերջնականապես հավաստիանա, որ կիրակևորյա դպրոցների տեսչությունը վստահելի ձեռքերում է, «...Երուսաղեմ իր քով կը կանչէ Լեւոն Չենեանը եւ՝ վանքին մեջ հետը ամբարտայ հանդիպումով՝ անձնապես անոր առանձին դաս կու տայ հայերէն գրաբարի եւ եկեղեցագիտութեան, չորս ամիսներու տեւողութեամբ, մինչեւ իր վերջնական մեկնումը Երուսաղեմէն Անթիլիաս»¹: Սրբազան հոր այս քառամսյա դասերը անշուշտ կարևոր ազդեցություն ունեցան Լ. Չենյանի հետագա գործունեության մեջ և վերջինս, ավելի քան մեկ տասնամյակ ղեկավարելով Կիլիկիո կաթողիկոսության կիրակևորյա դպրոցները, ապացուցեց, որ նվիրյալ զավակն է Հայոց եկեղեցու և կատարեց իրենից կախվածը նոր սերնդի հայեցի և բարոյական դաստիարակության գործում:

Մերձավոր Արևելքի քրիստոնյաների շրջանում կիրակևորյա դպրոցների տարածման նախաձեռնությունը գալիս է «Կիրակևորյա դպրոցի համաշխարհային ընկերության» կողմից, որը տեղում իրավճակը ուսումնասիրելու համար պատգամավորություն է ուղարկում Մերձավոր Արևելք: Այդ պատգամավորությունը ղեկավարում էր Նշված ընկերության ընդհանուր քարտուղար Ռոբերտ Հոպկինսը: Պատգամավորության մեջ, ի թիվս մի շարք այլ ներկայացուցիչների, ընդգրկված էր նաև Լ. Չենյանը²: Այս պատգամավորությունը հանդիպումներ է ունենում Եգիպտոսի հայոց առաջնորդ Թորգոմ սրբազանի, Երուսաղեմի հայոց պատրիարք Եղիշե Դուրյանի, իսկ 1929 թ. ապրիլի 7-ին Մեծի Տանն Կիլիկիո կաթողիկոս Սահակ Բ-ի հետ: Հանդիպումների ընթացքում հայոց եկեղեցու հոգևոր պետերը նախ փորձում են հասկանալ նման հաստատությունների հիմնելու նպատակները, վերջնականապես փարատվում է նաև այն կասկածը, որ վերջիններս ունենին այդ կառույցների նկատմամբ: Պատգամավորության անդամները տեղեկացնում են, որ իրենց նպատակն է ստեղծել կիրակևորյա դպրոցներ «...Նեղոսէն մինչեւ Տիգրիս քրիստոնեայ ժողովուրդներու մեջ» և, որ այդ նպատակով Բեյրութում արդեն ստեղծվել է հատուկ մարմին՝ «Սուրբգրական երկրներու Կիրակևորեայ Դպրոցներու Միութիւնը»³: Նշված հանդիպումների և քննարկումների ընթացքում մշտապես ընդգծվում է հատկապես «Հայ եկեղեցւոյ կարգ-կանոնին ենթակայ եւ անոր սկզբունքներուն եւ աւանդութեանց համաձայն» կիրակևորյա դպրոցներ ստեղծելու հանգամանքը⁴, իսկ Երուսաղեմի հայոց պատրիարք Եղիշե սրբազանի հետ հանդիպման ժամանակ Լ. Չենյանը հավաստիացնում է, որ վերջինս կիրակևորյա դպրոցների համար որևէ նախնական կրթական ծրագիր չունի և այն պետք է պատրաստի «...Մայրենի եկեղեցւոյ հոգեւոր իշխանութեան հետ խորհրդակցելով եւ ինքզինք կը դնէ անոր տրամադրութեան տակ»⁵:

Ձեռնարկված այս քայլերից հետո աստիճանաբար մտավախությունները փարատվում են նաև ժողովրդի շրջանում և պարզ է դառնում, որ կիրակևորյա դպրոցների գլուխ կանգնած է Հայոց առաքելական եկեղեցին և դրանց գործունեությունը իրականացվում է ի նպաստ հայության:

1929 թ. ապրիլի 8-14-ը Լիբանանի Բաալբեք քաղաքում տեղի է ունենում «Կիրակևորյա դպրոցների համաշխարհային միության» համաժողովը⁶, որը կրում էր «Սուրբգրական երկրներու Միութիւն»⁷ խորագիրը: Համաժողովին մասնակցում է նաև Հայոց եկեղեցու պատվիրակությունը՝ ի դեմս Կիլիկիո կաթողիկոսության և Երուսաղեմի պատրիարքության ներկայացուցիչների: Հայկական պատվիրակության մեջ էին ընդգրկված Բաբկեն եպիսկոպոս Կյուլեսերյանը, Արտավազդ ծ.վարդապետ Սուրմեյանը և Չահլեի հոգևոր հովիվ Դիոնիս քահանա Տրեզեյանը⁸: Հա-

¹ Եղիայան Բ., *Նշվ. աշխ.*, էջ 435:

² Տե՛ս «Միոն», *Երուսաղեմ, թիվ 5, մայիս, 1929, էջ 159-160*:

³ *Նույն տեղում, էջ 160*:

⁴ Տե՛ս Եղիայան Բ., *Նշվ. աշխ.*, էջ 434:

⁵ «Միոն», *Երուսաղեմ, թիվ 5, մայիս, 1929, էջ 160*:

⁶ Տե՛ս Կիլիկիոյ կաթողիկոսութեան արխիւներ, *թիւ 1, Թղթակցութիւն ...*, էջ 184:

⁷ Տե՛ս «Միոն», *Երուսաղեմ, թիվ 5, մայիս, 1929, էջ 160*:

⁸ Տե՛ս նույն տեղում, էջ 160; տե՛ս նաև *Յուշամատենն նովորուած Կիրակևորեայ դպրոցներու 35-ամեակին եւ ԴԵԿԴՕՍ-ի 15-ամեակին, 1929-1950-1965, Պեյրութ, 1967, էջ 100*:

մաժողովին մասնակցում էին նաև հայկական տարբեր դավանական ուղղություններին պատկանող եկեղեցիների ներկայացուցիչները: Բաբկեն եպիսկոպոս Կյուլեսերյանը համաժողովի նիստերից մեկում հանդես է գալիս որպես գլխավոր զեկուցող՝ ներկայացնելով «Սուրբ գրքի ուսուցումը եւ կրօնական դաստիարակութիւնը Հայաստանեայց եկեղեցւոյ մէջ»¹ թեման: Համաժողովին ելույթով հանդես է գալիս նաև Արտավազ ծ. վարդապետը²: Վերջինս իր ելույթում հույս է հայտնում, որ Համաշխարհային Կիրակնօրյա դպրոցների ընկերության կողմից հայոց եկեղեցուն և մյուս արևելյան քրիստոնեական եկեղեցիներին ցուցաբերված այդ օժանդակությունը. «...քրիստոնեական սիրոյ պէս մաքուր և անշահախնդիր օժանդակութիւն մըն է, զե՛րժ եկամուտ չի նետու գաղտնի միտքերէն»³: Համաժողովում հաստատվում է, որ տարածաշրջանում գործող քրիստոնեական եկեղեցիները պետք է կիրակնօրյա դպրոցներ հիմնեն. «...իւրաքանչիւր եկեղեցի իր բնիկ աւանդական ուղղութեամբ»⁴: Նշենք նաև, որ հետագայում ևս Կիլիկիո կաթողիկոսությունը ակտիվ մասնակցում էր կիրակնօրյա դպրոցներին նվիրված միջազգային համաժողովներին: 1931 թ. օգոստոսի 11-16-ը Անթիլիասի Դպրեվանքի վերատեսուչ Շահե եպիսկոպոս Գասպայանը որպես Անթիլիասի ներկայացուցիչ մասնակցում է Բուդապեշտում տեղի ունեցած Կիրակնօրյա վարժարանների եվրոպական առաջին համագումարին⁵:

Այս ամենից հետո Սահակ Բ-ն, խորհրդակցելով Երուսաղեմի պատրիարքության հետ, որոշում է գործնական քայլեր կատարել և վերջնականապես համաձայնություն է տալիս հիմնելու Կիլիկիո կաթողիկոսության կիրակնօրյա դպրոցներ: Արդեն 1930 թ. հունիսի 28-ին նա հրատարակում է հատուկ կոնդակ՝ նվիրված կիրակնօրյա դպրոցների ստեղծմանը, որտեղ նշված էր. «Մենք չենք կրնար անտեսել Հայաստանեայց եկեղեցւոյ շուրջ լարուած ընտանի եւ օտար թակարդները, չենք կրնար թոյլ տալ որ հայ մատաղ սերունդը հակակրօն գաղափարներով դաստիարակուի...»⁶, ապա խոսելով կիրակնօրյա դպրոցների անհրաժեշտության և դրանց նպատակների մասին՝ ժողովողին կոչ է անում սատար կանգնել այս կարևոր ձեռնարկին, միաժամանակ հորդորելով. «...անսասանօրէն վստահութիւն ունեցէք ձեր հոգեւոր Զօր և Հայրապետին նախանձայնոյց ոգւոյն առ Մայրենի եկեղեցւոյ դաւանութիւն, վարդապետութիւն, պաշտամունս և աւանդութիւնս»⁷: Շուտով՝ 1931 թ. սկզբին, Լ. Չեյանի կողմից մշակվում է կիրակնօրյա դպրոցների կանոնադրությունը՝ 34 հոդվածներով, որը հաստատվում է Սահակ Բ-ի կողմից և ուղարկվում բոլոր թեմեր⁸: Կիրակնօրյա դպրոցների հարցը քննարկվում է նաև 1932 թ. մարտի 8-14-ը Անթիլիսում տեղի ունեցած եպիսկոպոսական ժողովի ժամանակ⁹:

Այսպիսով, նորահաստատ այս ուսումնական կենտրոնները կարևոր դերակատարում էին ունենալու սփյուռքի մատաղ սերնդի բարոյական դաստիարակության և հայապահպանության հարցերում:

ԿԻՐԱԿՆՕՐՅԱ ԴՊՐՈՑՆԵՐԻ ԳՈՐԾՈՒՆԵՈՒԹՅՈՒՆ

Սահակ Բ-ն Բաբկեն եպիսկոպոսի առաջարկությամբ կիրակնօրյա դպրոցների վարիչ-տնօրեն է նշանակում Լ. Չեյանին՝ հինգ տարի ժամանակով¹⁰: Կիրակնօրյա դպրոցների վերատեսուչի աշխատավարձը սկզբնական շրջանում տրամադրվելու էր Համաշխարհային Կիրակնօրյա դպրոցների Ամերիկայի Կենտրոնական վարչության Հյուսիսային Ամերիկայի մասնաճյուղի կողմից¹¹: Ստանձնելով նոր պարտականությունը՝ Լ. Չեյանի առաջին գործն է լինում ուսուցիչներ

¹ Տե՛ս «Սիոն», Երուսաղեմ, թիվ 7, հուլիս, 1929, էջ 218-221:

² Նույն տեղում, էջ 220-221:

³ Նույն տեղում, էջ 220:

⁴ Եղիայան Բ., նշվ. աշխ., էջ 434:

⁵ Տե՛ս «Սիոն», Երուսաղեմ, թիվ 1, հունվար, 193, էջ 24-28:

⁶ «Հասկ», ապրիլ, 1932, թիվ 4:

⁷ «Հասկ», մարտ-ապրիլ, 1942, թիվ 3-4, էջ 62:

⁸ Տե՛ս նույն տեղում, ապրիլ, 1932, թիվ 4, էջ 19-20, տե՛ս նաև Եղիայան Բ., նշվ. աշխ., էջ 435:

⁹ Տե՛ս «Հասկ», ապրիլ, 1932, թիվ 4:

¹⁰ Տե՛ս նույն տեղում:

¹¹ Տե՛ս «Սիոն», Երուսաղեմ, թիվ 5, մայիս, 1929, էջ 160, նաև «Հասկ», ապրիլ, 1932, թիվ 4:

պատրաստելը: Այդ նպատակով ստեղծվում են վերապատրաստման վեցամսյա դասընթացներ¹, որտեղ հրավիրվում են վերապատրաստվելու Հայկազյան, Կիլիկյան և Կրթասիրած վարժարանների շրջանավարտները²: Լ. Չենյանը կիրակնօրյա դպրոցների վարիչ-տնօրենի պաշտոնը զբաղեցնում է մինչև 1934 թ., այնուհետև մեկնում է Ամերիկա, երկու տարի անց՝ 1936 թ., կրկին հրավիրվելով այդ պաշտոնին, որը վարում է մինչև 1940 թ.՝ «անձնուիրօրեն ... և ձեռնահասօրեն», կարևոր ներդրում ունենալով Կիլիկիո կաթողիկոսության կրթական և դաստիարակչական գործունեության մեջ: Վերջինս, ընտանյոք հանդերձ, 1941 թ. ապրիլին որոշում է տեղափոխվել ԱՄՆ, որտեղ ստանձնում է ՀԲԸՄ Ամերիկյան շրջանային կենտրոնական հանձնաժողովի վարչության տնօրենի պաշտոնը³: Լ. Չենյանին այդ պաշտոնում փոխարինում է ապագա Կիլիկիո կաթողիկոս, այդ ժամանակ երիտասարդ վարդապետ Խորեն Բարոյանը⁴: Մեկ տարի անց վերջինիս այդ պաշտոնում փոխարինում է Տեր Բաբկեն աբեղա Վարժապետյանը մինչև 1946 թ.⁵: 1947-1952 թթ. Լ. Չենյանը երրորդ անգամ է ստանձնում տնօրեն-վարիչի պարտականությունները⁶:

Կիրակնօրյա դպրոցները կազմակերպելու և ղեկավարելու համար, բացի վարիչ-տնօրենի պաշտոնը, Կիլիկիո կաթողիկոսության յուրաքանչյուր թեմում թեմակալ առաջնորդի նախագահությամբ ստեղծվում են Կրոնական դաստիարակության խորհուրդներ⁷, որի անդամներ էին հանդիսանում թե՛ աշխատիկ և թե՛ հոգևոր գործիչներ⁸, ովքեր նշանակվում էին տվյալ թեմի կրոնական ժողովի կողմից⁹: Խորհրդի կազմը բաղկացած էր 5-9 անդամներից, որոնցից յուրաքանչյուրը խորհրդին կարող էր անդամակցել 2-3 տարով¹⁰: Այս խորհուրդները ստանձնում են կիրակնօրյա դպրոցների հոգաբարձությունը, որոնց պարտականությունն էր աջակցել վարիչ-տնօրենին աշխատանքների արդյունավետ կազմակերպման, անհրաժեշտ նյութական միջոցների հայթայթման, որակյալ ուսուցիչներով դպրոցները ապահովելու հարցերում¹¹:

Կիրակնօրյա դպրոցների ուսուցիչների աշխատանքը կազմակերպվում էր կամավորության սկզբունքով, ուսուցչական կազմը բաղկացած էր հիմնականում երիտասարդներից, վերջիններս չէին վարձատրվում և աշխատում էին. «...առանց ոեւե փոխարինութեան և ոեւե ակնկալութեան»¹²: Յուրաքանչյուր դպրոց ուներ իր ներքին տեսուչը, քարտուղար-գանձապահը և դպրապետը, ինչպես նաև ուսուցչական ժողովի կողմից ընտրված վարչություն¹³: 1948 թ. սկսած կիրակնօրյա դպրոցների աշխատանքները կազմակերպելու և արդյունավետությունը բարձրացնելու նպատակով պարբերաբար Անթիլիասում կազմակերպվում են խորհրդաժողովներ¹⁴, որոնց ժամանակ ընտրվում են քննարկման հատուկ խնդիրներ, ինչպես օրինակ «Հայաստանեայց եկեղեցին եւ իր մանուկները», «Հայաստանեայց եկեղեցի եւ հայ ընտանիքը»¹⁵ և այլն: Կիրակնօրյա դպրոցները հետագայում ունեցան իրենց լրատուները՝ «Մեր կենսաքը» (հրատարակվել է 1950-1956 թթ., 1958 թ.), «Դրագարկ» (հրատարակվել է 1961-1962 թթ.) և այլն: Ունեին իրենց մադթերգը¹⁶, իսկ նշանաբանն էր աստվածաշնչյան հետևյալ միտքը՝ «Թույլ տուք մանկուտոյդ գալ առ

¹ Տե՛ս Յուզամատեան նուիրուած Կիրակնօրեայ դպրոցներու 35-ամեակին եւ ՀԵԿԴՕՍ-ի 15-ամեակին, 1929-1950-1965, Պեյրուք, 1967, էջ 101:

² Տե՛ս Ժամխարյան Կ., Կրթամշակութային կյանքը և հայապահպանության խնդիրները Սիրիայի և Լիբանանի հայկական համայնքներում 1920-1930-ական թթ., Ե., 2019, էջ 127:

³ Տե՛ս «Հասկ», նոյեմբեր-դեկտեմբեր, 1941, թիվ 11-12, էջ 176:

⁴ Տե՛ս Յուզամատեան..., էջ 101-102:

⁵ Տե՛ս «Հասկ», նոյեմբեր-դեկտեմբեր, 1941, թիվ 11-12, էջ 178:

⁶ Տե՛ս Յուզամատեան..., էջ 101-102:

⁷ Տե՛ս Վարժապետյան Բ., Հայ տղուն կրօնական ու ազգային դաստիարակութիւնը, էջ 3; «Հասկ», մարտ-ապրիլ, 1942, թիվ 3-4, էջ 61:

⁸ Տե՛ս Յուզամատեան..., էջ 105:

⁹ Տե՛ս «Հասկ», նոյեմբեր-դեկտեմբեր, 1945, թիվ 11-12, էջ 224:

¹⁰ Տե՛ս Յուզամատեան..., էջ 114:

¹¹ Տե՛ս նույն տեղում, էջ 114:

¹² Վարժապետյան Բ., նշվ. աշխ., էջ 6:

¹³ Տե՛ս Յուզամատեան..., էջ 106:

¹⁴ Տե՛ս Խորհրդակցական ժողով Կիլիկիոյ կաթողիկոսութեան կիրակնօրեայ դպրոցներու, Անթիլիաս, 1950, 1954 և այլն:

¹⁵ Տե՛ս Յուզամատեան..., էջ 119:

¹⁶ Տե՛ս նույն տեղում, էջ 119, 123:

գիս, եւ մի արգելութիւն գրոսա» (Մարկ.Ժ. 14)¹: Այս դպրոցների միակ նպատակն էր «...հայ մանկան տալ հոգեւոր կեանք, ազգային և եկեղեցական ինքնաճանաչում, քրիստոնէական դաստիարակություն՝ համաձայն Հայոց Ս. Եկեղեցւոյ, բարոյական ու տիպար նկարագիր»²: Ուստի կիրակնօրյա դպրոցների կազմակերպիչները գտնում էին, որ «...հայ ու մանաւանդ օտար վարժարաններ յաճախող մեր տղաք որպէսզի իսկապէս ըմբռնեն և իր Եութեան մէջ ճանչնան թէ հայ են... պէտք է խորապէս ճանչնայ այն ժողովուրդը որուն զաւակն է ինք, ճանչնայ զայն իր անցեալի փառքն, արժանիքներուն մէջ, ճանչնայ անոր ստեղծագործութիւնը և այսօր մեզի մնացած ժառանգութիւնը. Հայ տղան պէտք է ճանչայ **Նաեւ մեր թերի կողմերը և այսօրուան թերութիւնները** (ընդգծումը մերն է Է.Յ.)»³: Խիստ կարևոր հանգամանք էր, որ ի սկզբանէ նպատակ էր դրվում ոչ միայն գովաբանել սեփական անցյալը, այլև վեր հանել թերացումներն ու սխալները, որոնց գիտակցումը միայն կարող էր մատաղ սերնդին հնարավորություն տալ խուսափելու հետագայում նույն սխալները կրկնելուց: Կիրակնօրյա դպրոցների ուսումնական ծրագրերը իրականացվում էին երկու ձևով. «1. *Լսարանական մեթոտը*, որը դպրոցին ընդհանուր աշակերտութեան համար կըլլայ: 2. *Դասարանականը*, որ իւրաքանչիւր ուսուցիչ իր դասարանին հետ է»⁴: Լսարանային ծրագիրը տևում էր մեկ ժամ և նախատեսված էր ընդհանուր աշակերտության համար, իսկ դասարանային ծրագիրը՝ 35 րոպե, որի ընթացքում աշակերտները բաժանվում էին առանձին խմբերի, որոնցից յուրաքանչյուրն ուներ իր ուսուցիչը, որը ուսուցանում էր «մասնաւոր կրթական ծրագրով» նախատեսված օրվա դասը⁵: Կիրակնօրյա դպրոցներ էին հաճախում 5-17 տարեկան երկսեռ աշակերտներ, որոնք 10-12 տարի կանոնավոր հաճախելու դեպքում ստանում էին վկայականներ: Աշակերտները տարիքային սկզբունքով բաժանված էին 5 խմբերի՝ սկսնակ, կրտսեր, միջին, երեց և ավագ⁶:

Կիրակնօրյա դպրոցներում աշակերտները ուսումնասիրում էին Աստվածաշունչ, սովորում աղոթքներ, շարականներ, հոգևոր երգեր, ինչպէս նաև բարոյագիտություն և Հայոց եկեղեցու պատմություն: Կիրակնօրյա դպրոցների համար կաթողիկոսարանի կողմից «իւրաքանչիւր դասարանի տարիքին յարմար» տպագրվում են դասագրքեր: Դասագրքերը բաժանված էին երեք տարիքային խմբերի համար՝ ավագ խումբ՝ 15-17 տարեկաններ, միջին խումբ՝ 12-14 տարեկաններ և կրտսեր խումբ՝ 6-10 տարեկաններ⁷: Դասերը սովորաբար անցկացվում էին կիրակի օրերին եկեղեցիներում, երբեմն դպրոցների շէնքերում՝ մեկ ու կէս ժամ տևողությամբ:

Անթիլիասը սփյուռքյան նոր սերնդի կրոնական դաստիարակության հարցը արդյունավետ կազմակերպելու նպատակով ձեռնարկել էր հրատարակությունների շարք «Կրօնական Մատենադարան» ընդհանուր վերնագրով, որի շրջանակներում տաս տարվա ընթացքում հրատարակվեցին 16 «կրօնաբարոյական, ազգաշունչ, շինիչ և կրթիչ» բնույթի աշխատություններ⁸: Այդ աշխատությունները որպէս դասագրքեր և ձեռնարկները օգտագործվում էին կիրակնօրյա դպրոցներում, դրանց թվում հիշատակելի են Բաբկէն վեհափառի «Քրիստոնէականը», Բյուզանդ Եղիայանի «Կրօնք և Կեանք» աշխատությունը, Գ.Սարաֆյանի «Հին և նոր Ուխտի պատմությունները», տեր և տիկին Չենյանների՝ կրտսեր տարիքի երեխաների համար նախատեսված ուղեցույցները⁹ և այլն: Ուսուցման ընթացքում կիրառվում էին նաև դիդակտիկ նյութեր, գունազարդ նկարներ¹⁰ և այլն:

¹ *Տէ՛ս նոյն տեղում, էջ 102:*

² «Հասկ», *մարտ-ապրիլ, 1942, թիվ 3-4, էջ 60:*

³ *Նոյն տեղում, էջ 60:*

⁴ *Նոյն տեղում, էջ 61; տէ՛ս նաև «Տարեկան ուղեցույց-ծրագիր կիրակնօրեայ դպրոցներու», Անթիլիաս, 1979, էջ 7:*

⁵ *Տէ՛ս Յուշամատեն..., էջ 107:*

⁶ *Տէ՛ս նոյն տեղում, էջ 108:*

⁷ *Տէ՛ս «Հասկ», մարտ-ապրիլ, 1942, թիվ 3-4, էջ 62:*

⁸ *Տէ՛ս նոյն տեղում, մարտ-ապրիլ, 1941, թիվ 3-4 էջ 52:*

⁹ *Տէ՛ս Վարժապետյան Բ., Նշվ. աշխ., էջ 5-6; «Հասկ», մարտ-ապրիլ, 1942, թիվ 3-4, էջ 62:*

¹⁰ *Տէ՛ս Վարժապետյան Բ., Նշվ. աշխ., էջ 5-6:*

«...Հայ ժողովուրդին զավակները պետք է դաստիարակուին իրենց Մայրենի Եկեղեցուն մեջ»¹, - սա էր Կիլիկիո կաթողիկոսության համոզմունքը: Ինչպես որ ավանդաբար եղել է նախկինում, այս շրջանում ևս Հայոց եկեղեցին, այս դեպքում ի դեմս Կիլիկիո Աթոռի, գտնում էր, որ եկեղեցու գործը միայն համայնքի կրոնական պետքերը հոգալը չէ: Եկեղեցին իր խնդիրն էր համարում նաև սերնդի դաստիարակության հարցը: Ուստի անչափ կարևոր համարելով այդ դպրոցների նշանակությունը, դրանց պահպանման և տարածման ուղղությամբ Անթիլիասն անում էր հնարավոր ամեն ինչ, որի արդյունքում դպրոցները պահվում էին «...ի գին ամեն զոհողութեանց՝ յօգուտ հայ մանուկին ազգային, եկեղեցական ու բարոյական շինութեան համար»²: Եվ իրապես այս հաստատությունների գլխավոր նպատակը, բացի զուտ կրոնական դաստիարակություն տալը, հայ մանուկներին ծովման վտանգից փրկելն էր. «...Կիրակնօրեայ դպրոցներով հայկական «Քեմք»երու մեջ հայ տղաքը ոչ քրիստոնեայ շրջանակներէն, օտար վարժարաններէն կը վերցնէ ու հայ եկեղեցոյ հովանւոյն ներքեւ կը խմբէ զանոնք ու այդ եկեղեցոյն հարազատ զաւակներէն կազմուած ուսուցչական խումբ մը, անձնուիրաբար կաշխատէ, կը տաշէ զանոնք, այդ անտաշ կտորներէն տիպար հայ քրիստոնեայ մը, մեր Ս.Եկեղեցոյն գիտակից և հոգեւոր անդամ մը պատրաստելու համար», և այս ամենի արդյունքում հայ մանուկները պետք է «պաշտպանուին... մեղքի խորշակէն և ուժացումից, դաւանափոխութեան ցուրտէն»³, - գրում է Անթիլիասի պաշտոնաթերթը: Սահակ կաթողիկոսը, դիմելով սփյուռքահայությանը, հորդորում էր. «Կը յայտարարեմ եւ կը հրամայեմ որդեսեր ծնողաց, որ առանց խարբալուելու առտնին եւ հրապարակային ասուլիսներէն, հոգ ու խնամք տանին իրենց զաւակաց բարք ու բարոյականին, հոգածու ըլլան կրօնական եւ եկեղեցասիրական ոգին վառ պահելու Կիրակնօրեայ Դպրոցով»⁴:

Այսպիսով, կիրակնօրյա դպրոցների գործունեության գլխավոր նպատակ էր հռչակվել.

«1. Հայաստանեայց եկեղեցոյ դաւանութեան եւ աւանդութեան համաձայն կրօնական դաստիարակութիւն ջամբել մասնաւորաբար մեր մանուկներուն եւ պատանիներուն, իբրեւ լրացուցիչ մասը ազգային ընդհանուր կրթութեան եւ դաստիարակութեան, եւ ընդհանրապէս ալ չափահասներուն աւանդել Զրիստոնեութեան եւ Մայրենի եկեղեցոյ վերաբերեալ գիտելիքներ եւ ծախօթութիւններ:

2. ...հայ ժողովուրդին զաւակները գիտակից դարձնել իրենց Զրիստոնեական Կրօնքին եւ Մայրենի Եկեղեցոյն եւ կերտել անունց քաղաքացիական նկարագիրը»⁵:

Փաստորեն Կիրակնօրյա դպրոցների գլխավոր նպատակը մեկն էր «...հայ մանկան տալ հոգեւոր կենսաք, ազգային և եկեղեցական ինքնաճանաչում, քրիստոնեական դաստիարակութիւն համաձայն Հայոց Ս.Եկեղեցոյ, բարոյական ու տիպար նկարագրի»⁶:

Կիրակնօրյա դպրոցները, բացի կաթողիկոսարան տրամադրած միջոցներից, պահվում էին նաև բարերարների տրամադրած միջոցներով: Մեծ օգնություն էր հատկապես Ամերիկայից ուղարկում այդ դպրոցների նախկին տեսուչ Լ. Չենյանը, որը հաստատվել էր ԱՄՆ-ում և նրա ջանքեր շնորհիվ պարբերաբար այդ երկրում կազմակերպվում էին հանգանակություններ ի նպաստ կիրակնօրյա դպրոցների⁷:

Հետագայում՝ 1950 թ., Բեյրութում Լ. Չենյանի նախաձեռնությամբ կիրակնօրյա դպրոցների գործունեությունը անհրաժեշտ միջոցներով ապահովելու համար ստեղծվում է նոր մարմին՝ «Հայաստանեայց Եկեղեցոյ Կիրակնօրեայ Դպրոցներու Օժանդակ Մարմինը» (ՀԵԿԴՕՄ)⁸: Սակայն գործունեության առաջին տարիներին Անթիլիասը զրկված էր նման հնարավորությունից, ուստի ստիպված էր սեփական ջանքերով փնտրել այդ դպրոցների ապահովման միջոցները: Այս կառույցը անչափ կարևոր դերակատարում է ունենում կիրակնօրյա դպրոցների կյանքում: Այս կազմակերպության նախագահն էր հանդիսանում Մեծի Տանն Կիլիկիո կաթողիկոսը:

¹ Տե՛ս «Հասկ», ապրիլ, 1932, թիվ 4:

² Նոյն տեղում, հունվար-փետրվար, 1942, թիվ 1-2, էջ 30:

³ Նոյն տեղում, մարտ-ապրիլ, 1941, թիվ 3-4 էջ 41:

⁴ Յուզամատեան..., էջ 91:

⁵ Տե՛ս նոյն տեղում, էջ 104:

⁶ Վարժապետյան Բ., նշվ. աշխ., էջ 2:

⁷ Տե՛ս «Հասկ», հուլիս-օգոստոս, 1942, թիվ 7-8, էջ 123:

⁸ Յուզամատեան..., էջ 7-8, 125:

Կիրակնօրյա դպրոցների դերը կարևորում էին նաև սփյուռքյան ազգային իշխանությունները: 1944 թ. Ազգային կենտրոնական վարչությունը հրահանգում է, որ Անթիլիասի չորս թեմերում. «...անհրաժեշտ դիրուրթիւնները տրուին Կիրակնօրեայ Դպրոցներու... հարթելու ոեւէ դժվարութիւն անոնց առջեւ...Անհրաժեշտ է որ Պատ. Թաղական եւ Հոգաբարձու մարմինները դժվարութիւն չտալէ զատ՝ հարկ եղած օժանդակութիւնը բերեն սոյն կրթական եւ կրօնական վարժարաններուն...»¹:

ԿԻՐԱԿՆՕՐՅԱ ԴՊՐՈՑՆԵՐԻ ԴԵՐՆ ՈՒ ՆՇԱՆԱԿՈՒԹՅՈՒՆԸ

Ինչպես արդեն նշվել է, առաջին կիրակնօրյա դպրոցը բացվում է 1929 թ. Հալեպում², որից հետո դրանք տարածվում են բոլոր թեմերում: Առաջին կիրակնօրյա դպրոցները հիմնվում են Հալեպի և Անտիոքի թեմերում, որում մեծ դեր են խաղում այդ թեմերի առաջնորդներ Արտավազդ և Խաղարթեպիսկոպոսները³: Մեկուկես տասնամյակ անց Հալեպի կիրակնօրյա դպրոց հաճախող աշակերտների թիվը անցնում էր 1000-ը⁴: Ամենամարդաշատը Հալեպի Նոր գյուղ թաղամասի Ս. Գևորգ եկեղեցում գործող կիրակնօրյա դպրոցն էր, որի աշակերտների թիվը 1940-ական թթ. կեսերին մոտենում էր 500-ի⁵: Կիրակնօրյան դպրոցներ են բացվում նաև Հալեպի թեմի գյուղական բնակավայրերում: Ստորև ներկայացված աղյուսակը ցույց է տալի Հալեպի թեմի կիրակնօրյա դպրոցների տարածվածությունը 1930-ական թթ.⁶:

| | դպրոց | ուսուցիչ | աշակերտ |
|-----|-------------------|----------|---------|
| 1. | Հալեպ | 20 | 250 |
| 2. | Տավուդիե | 9 | 175 |
| 3. | Նոր Գյուղ | 20 | 350 |
| 4. | Գերմանիկ (Մեյդան) | 5 | 160 |
| 5. | Սեպիլ | 8 | 75 |
| 6. | Դեր-Չոր | 5 | 30 |
| 7. | Ազեզ | 5 | 90 |
| 8. | Հոմա | 4 | 80 |
| 9. | Եաղուպիե | 3 | 40 |
| 10. | Սեյիմիե | 1 | 35 |
| 11. | Աֆրին | 3 | 50 |
| 12. | Մեյդան Էֆթեզ | | 30 |
| 13. | Նոր-Մարաշ | 23 | 250 |
| 14. | Կիլիկեան | 7 | 100 |
| 15. | Տորա | 5 | 50 |
| 16. | Նոր-Ադանա | 5 | 50 |
| 17. | Սին-Էլ-Ֆիլ | 3 | 80 |
| 18. | Ռիմեյլ | 10 | 110 |
| 19. | Նոր-Հաճն | 16 | 175 |
| 20. | Թիրո | 11 | 200 |
| 21. | Ամանոս | 11 | 150 |
| 22. | Սուր | 4 | 160 |
| 23. | Ռաս-Էլ-Այն | 4 | 140 |
| 24. | Ճունի | 3 | 60 |
| 25. | Ճիպեյլ | 2 | 30 |
| 26. | Տրիպոլի (Միևա) | 7 | 104 |

¹ «Հասկ», մայիս-հունիս-հուլիս, 1944, թիվ 5-6-7, էջ 98:

² Տե՛ս «Հասկ», մարտ-ապրիլ, 1942, թիվ 3-4, էջ 61:

³ Տե՛ս Վարժապետյան Բ., նշվ. աշխ., էջ 3:

⁴ Տե՛ս «Հասկ», նոյեմբեր-դեկտեմբեր, 1945, թիվ 11-12, էջ 224:

⁵ Տե՛ս նույն տեղում, մարտ-ապրիլ, 1945, թիվ 3-4, էջ 131, նոյեմբեր-դեկտեմբեր, 1945, թիվ 11-12, էջ 224:

⁶ Աղյուսակը ըստ Վարժապետյան Բ., Հայ տղուն կրօնական ու ազգային դաստիարակութիւնը, գրքույթի, էջ 4, հրատարակության տեղն ու թիվը նշված չեն:

Լիբանանի թեմում առաջին կիրակւորյա դպրոցները ստեղծվում են միայն 1939 թ. Մարաշի Ս. Քառասունից Մանկաց եկեղեցուն կից¹: Շուտով Բեյրութի կիրակւորյա դպրոցների թիվը հասնում է 11-ի՝ շուրջ 2000 աշակերտներով²: Լիբանանի թեմում այդ դպրոցների թիվը 1940-ական թթ. սկզբներին հասնում է 16-ի³:

Կիրակւորյա դպրոցների ցանցը տարեցտարի ընդլայնվում էր՝ ընդգրկելով նորանոր հայկական համայնքներ: Նմանատիպ դպրոցներ են բացվում Ազեզում, Թարապլուսում⁴, Չահլեյում, Էշրեֆիեում⁵, Տրիպոլիում, Սուրում, Չահլեում⁶ և այլուր: Սակայն պետք է նշել, որ գյուղական վայրերում գործող կիրակւորյա դպրոցները «...քաղաքի դպրոցներուն նման կազմակերպուած չեն և ինսամքի բաւական պետք ունին»⁷:

1942 թ. սկզբներին առաջին կիրակւորյա դպրոցն է հիմնվում նաև Կիպրոսի թեմում՝ Նիկոսիայում, իսորեն քահանա Գուլիկյանի ջանքերով⁸: Կարճ ժամանակ անց այստեղ հաճախող հայ աշակերտների թիվը գերազանցում է 200-ը⁹:

1940-ական թվականների սկզբներին Սիրիայում և Լիբանանում Անթիլիասի հովանու ներքո գործում էր շուրջ 30 կիրակւորյա դպրոց, որտեղ հաճախում էր 3227 աշակերտ, իսկ այդ դպրոցներում աշխատող ուսուցչների թիվը, բացի տեսուչները, անցնում էր 200-ը¹⁰: Հետագա տասնամյակներում կիրակւորյա դպրոցների թիվն ավելանում է և հասնում 55-ի՝ 450 ուսուցիչներով և 7000 աշակերտներով¹¹:

Ստեղծումից ի վեր Անթիլիասի կիրակւորյա դպրոցները խիստ կարևոր դերակատարում ունեցան Մերձավոր Արևելքի հայկական համայնքներում հայապահպանության և մատաղ սերնդի հայեցի ու բարոյական դաստիարակության հարցերում: Ստեղծման առաջին իսկ օրերից դրանց գործունեությունը դրական գնահատականի արժանացավ հայկական հասարակական շրջանակների կողմից: Երուսաղեմի պատրիարքությունը բազմիցս իր գոհունակությունն ու երախտիքի խոսքն էր հղում դրա կազմակերպիչներին՝ խիստ կարևորելով այդ դպրոցների դերակատարումը ոչ միայն զուտ կրոնական դաստիարակության տեսանկյունից, այլև հայապահպանության առումով¹²: Պետք է նշել, որ առանձին դեպքերում կիրակւորյա դպրոցներն ունեին նաև ընդդիմախոսներ, որոնք երբեմն քննադատական հոդվածներով էին հանդես գալիս նրանց գործունեության դեմ¹³: Նման քննադատություններին, բնականաբար, անձազանքում էր Անթիլիասը՝ բերելով իր փաստարկները¹⁴:

«Անտեսել Կիրակւորեայ դպրոցները, կը նշանակէ արմատէն հետզհետէ չորցնել Եկեղեցին եւ Ս.Գրքի ընթերցումը. Ուստի անհրաժեշտ են Կիրակւորեայ դպրոցները մեր մատաղ սերունդի կրօնական եւ բարոյական դաստիարակութեան համար»¹⁵, – այսպես է ընդգծում այդ դպրոցների դերը Հալեպի կիրակւորյա դպրոցների քարտուղար Գևորգ Ներսոյան: Կիրակւորյա դպրոցների երկարամյա վարիչ-տնօրեն Լ. Չենյանի դիպուկ բնորոշմամբ՝ «Կիրակւորեայ դպրոցները հաստատութիւն մըն են, որոնք ոչ թէ շատ սորվեցնելու, այլ ազգային հիւանդութիւնները դարմանելու

¹ Տե՛ս Յուշամատեն..., 1967, էջ 101, նաև Վարժապետյան Ս., Հայերը Լիբանանի մէջ, հ. Բ, Պեյրութ, 1981, էջ 459:

² Տե՛ս «Հասկ», նոյեմբեր-դեկտեմբեր, 1945, թիվ 11-12, էջ 223:

³ Տե՛ս Վարժապետյան Բ., նշվ. աշխ., էջ 4:

⁴ Տե՛ս «Արև», թիվ 3833, սեպտեմբերի 3, 1931:

⁵ Տե՛ս «Հասկ», հունվար-փետրվար, 1943, թիվ 1-2, էջ 192:

⁶ Տե՛ս Նոյն տեղում, նոյեմբեր-դեկտեմբեր, 1945, թիվ 11-12, էջ 223:

⁷ Նոյն տեղում, էջ 225:

⁸ Տե՛ս Նոյն տեղում, մայիս-հունիս, 1942, թիվ 5-6, էջ 96:

⁹ Տե՛ս Նոյն տեղում, հունվար-փետրվար, 1943, թիվ 1-2, էջ 192:

¹⁰ Տե՛ս Նոյն տեղում, մարտ-ապրիլ, 1942, թիվ 3-4, էջ 61:

¹¹ Տե՛ս Յուշամատեն..., էջ 111-118; տե՛ս նաև Եղիայան Բ., նշվ. աշխ., էջ 435:

¹² Տե՛ս «Սիոն», Երուսաղեմ, թիվ 2, փետրվար, 1932, էջ 33-37; թիվ 3, մարտ, էջ 65-70:

¹³ Տե՛ս Եղիայան Բ., նշվ. աշխ., էջ 432; տե՛ս նաև «Չարթունք», Բեյրութ, 4 մայիսի, թիվ 1227, 1944:

¹⁴ Տե՛ս «Հասկ», մայիս-հունիս-հուլիս, 1944, թիվ 5-6-7, էջ 99:

¹⁵ Յուշամատեն..., էջ 27:

կը միտին...»¹: Այս սկզբունքով առաջնորդվելով՝ Մեծի ՏԱՆն Կիլիկիո կաթողիկոսության կիրակ-
 ևօրյա դպրոցները իրենց հայապահպան առաքելությունը կատարում են մինչ օրս²:

**Эдгар Ованесян, СОЗДАНИЕ ВОСКРЕСНЫХ ШКОЛ КИЛИКИЙСКОГО КАТО-
 ЛИКОСАТА И ИХ РОЛЬ В СОХРАНЕНИИ АРМЯНСКОЙ ИДЕНТИЧНОСТИ.** Кили-
 кийский Католикосат выполнял важную миссию по сохранению армянской идентичности и
 моральному воспитанию молодого поколения армянских общин Сирии и Ливана. С этой целью
 Католикосат создал воскресные школы. С разрешения Киликийского католикоса Саака II пер-
 вая воскресная школа была основана в Алеппо в 1929 году. В последующие десятилетия
 воскресные школы действовали во всех епархиях Киликийского Католикосата. Их число дос-
 тигло нескольких десятков. Чрезвычайно важную роль в этом процессе сыграл Левон Зенян,
 уполномоченный по воскресным школам. С момента своего создания воскресные школы иг-
 рали чрезвычайно важную роль в сохранении национальной идентичности в армянских
 общинах Ближнего Востока. Эти школы до сих пор активно действуют во многих общинах
 армянской диаспоры.

Ключевые слова: Киликийский Католикосат, воскресные школы, армянская диас-
 пора, армянские общины Сирии и Ливана, сохранение армянской идентичности, образование.

**Edgar Hovhannisyan, THE FOUNDATION OF SUNDAY SCHOOLS OF THE CA-
 THOLICOSATE OF THE GREAT HOUSE OF CILICIA AND THEIR ROLE IN PRESERVA-
 TION OF THE ARMENIAN IDENTITY.** The Catholicosate of the Great House of Cilicia had an
 important mission in preserving the Armenian identity and providing moral upbringing for the young
 generation of Armenian communities of Syria and Lebanon. For that purpose, Catholicosate has
 established Sunday schools. By permission of Sahak II, Catholicos of Cilicia, the first Sunday school
 was established in Aleppo in 1929. In the following decades, Sunday schools were spread to all
 dioceses of the Catholicosate of Cilicia. Their number reached several dozen. Levon Zenyan, the
 first inspector of the Sunday schools, played a crucial role in this process. Since their establishment,
 Sunday schools have played an extremely important role in preserving national identity in the Ar-
 menian communities of the Middle East. These schools are still operating actively in many commu-
 nities of the Armenian Diaspora.

Key words: The Catholicosate of the Great House of Cilicia, Sunday schools, Armenian Dias-
 pora, Armenian communities of Syria-Lebanon, preservation of the Armenian identity, education.

¹ Նույն տեղում, էջ 27:

² Տե՛ս Հարուցումնյան Ն., նշվ. աշխ., էջ 59: